

中再拜環珮玉聲粲然孔子曰吾鄉為弗見見之禮

答焉有矢子路之語居衛月餘靈公與夫人同車宦者雍渠

參乘出使孔子為次乘招搖市過之有未見好德之語於是

醜之去衛過曹適宋及鄭至陳居三歲復反於衛靈

公聞孔子來喜迎諸郊孟子謂孔子於衛靈公有際可之仕然老怠於

政不能用有三年有成之語子擊磬有荷蕢而過門者曰有

心哉擊磬乎詳見論語既不川將西見趙簡子至河間實

鳴犢舜華之死而反又主蘧伯玉家他日靈公問陳

不對有俎豆嘗聞軍旅未學之語明日與孔子語見蜚鴈仰視之

衛輝府志 卷八 二 四百八

色不在孔子遂行復如陳明年自陳如蔡及葉至楚

又反乎衛時靈公已卒衛君輒父蒯聵不得立在外

諸侯數以為讓而孔子弟子多仕於衛衛君欲得孔

子為政子路曰衛君待子而為政子將奚先子曰必

也正名乎詳見論語又有魯衛兄弟及答子貢夷齊之語居衛九年孟子謂孔子

子於衛孝公有公養之什朱註孝公春秋史記皆無之疑出公輒也因孔文子將攻太

叔問策於孔子辭不對命載而行曰鳥能擇木木豈

能擇鳥乎會季康子以幣迎孔子孔子乃歸魯實衛

之九年丁巳時 孔子年六十八

子思名伋孔子孫曾繆公欲以為國相不受且告繆

公曰臣聞君子猶鳥也疑之則舉矣乃適衛值縣子

問禮焉按子思子子思居衛魯穆公卒縣子使子衛

也先君宗廟在焉奈何弗服子思曰吾豈愛乎禮不

得也縣子曰請問之答曰臣而去國君不掃其宗廟

則為之服寄公寓乎是國而為國服吾既無列於魯

而祭在衛吾何服哉是寄臣而服所寄之君則舊君

無服明不二君之義也縣居於衛有齊寇或曰寇至

子曰善哉我未之思也盍去諸子思曰如伋去君誰與守

孟子曰子思每言計非是羣臣和者如出一口子思曰人主自臧

臣也微也則衆謀不進事是而臧之猶却衆謀况和非以長惡

乎夫不察事之是非而悅人讚已闇莫甚焉不度理

之所在而阿諛求容諂莫甚焉君闇臣諂以居百姓

之上民不與也衛君又問子思曰寡人之政何如答

曰無非君曰寡人不知其不肖亦望其如此也子思

曰希旨容媚則君親之中正弼非則君疏之夫能使

人富貴貧賤者君也在朝之士孰肯舍所以見親而

取其所以見疎者乎是故競求射君之心而莫敢有

非君之非者此臣所謂無非也公曰然乎寡人之過

事必疵君雖有命臣未敢受也有薦苟變李音二事於是

縕袍無表二旬九食貧甚而自若已而反於魯

子路名由卞人少孔子九歲好勇力志伉直為衛大

夫孔悝之邑宰初靈公太子蒯聩出奔及靈公卒立

其子輒為君是為出公出公立十二年其父蒯聩居

外不得入乃與孔悝作亂謀入孔悝家遂與其徒襲

攻出公出公奔魯而蒯聩入立方孔悝作亂子路在

外聞之而馳往遇子羔出衛城門謂子路曰出公去

矣而門已閉子可還矣毋空受其禍子路曰食其食

衛輝府志 卷八 四 三百十五

者不避其難子羔卒去有使者入城城門開子路隨

而入蒯聩與孔悝登臺子路曰君焉用孔悝請得而

殺之蒯聩弗聽於是子路欲燔臺蒯聩懼乃下石乞

壺虜攻子路擊斷子路之纓遂結纓而死唐贈衛侯

宋改封衛公

宦業

宦業者志宦於衛而事業之可紀者也夫士

君子致身青雲筮仕令長功業伊始則潔已

惠民皆其職分之所當為而况牧守剖符專

城一方師帥此充不待勸而後廉且能也其
它如邑之丞貳以下職本瑣瑣雖有才美通
顯無階乃能卓然樹立廉介持身而利澤及
物此非其無所爲而爲之者乎茲竝志之職
之崇卑顯晦無論也庶乎可以風吏治而後
之尚論者有所取則焉

漢虞詡字升卿陳國武平人安帝時朝歌賊竇季等
數千人攻掠屯聚連年不能禁詡爲朝歌長人咸弔
之詡曰不遇盤根錯節無以別利器至則設三科以

衛輝府志

卷八

五

三百十六

募壯士得百餘人使入賊中誘令劫掠乃伏兵以待
之殺賊數百又潛遣貧人能縫者傭作賊衣以采線
縫其裾爲識有出市者輒擒之賊由是駭散咸稱神
明永和初遷尚書令

崔瑗字子玉涿郡安平人順帝時舉茂才授汲令在
任數言便宜事教民開稻田數百頃爲政七年政化
大行百姓歌曰天降神明君賜我慈仁父安帝初大
司農胡廣少府竇章共薦瑗宿德大儒從政有績不
宜久在下位遷尚書令

植鸞字始春沛郡龍亢人桓帝時爲汲令甚有政蹟當道並薦之徵拜議郎

晉王宏字正宗粲從孫高平人泰始初爲汲郡太守撫

百姓如家人耕桑樹藝屋宇阡陌莫不躬自教示曲

盡事宜綽有殊績司隸校尉石鑿上其政術武帝下

詔褒之賜穀千斛布告天下遷河南尹大司農太康

中爲司隸校尉後遷尚書

喬智明字元達鮮卑前部人成都王頴表爲其縣令

有異政縣人愛之號爲神君

衛輝府志

卷八

六

三百九

後魏崔楷博陵鮮卑人孝文帝時爲殷州刺史闔家

赴州時賊勢已逼或勸避之楷不聽及賊來攻城楷

悉力拒守衆爭奮咸稱崔公尚不惜百口吾等何愛

一身力竭城陷楷執節不屈死之

明亮字文德平原高昌人魏宣武時爲汲郡太守性

方厚有識幹清白愛民甚有惠政及卒民吏咸追思

之

鄭述祖魏殷州刺史有惠政風榆尤爲衆所稱譽

隋郎茂字蔚之新市人高祖時爲衛州司隸有能名

尋除衛國令時有繫囚二百茂親究審數日釋免者百餘人歷年詞訟不詣州省衛州刺史元暉謂茂曰長史言衛民不敢申訴者畏明府耳茂進曰民猶水也法令爲隄防隄防不周必致奔突苟無決溢使君何患哉暉無以應

唐李育德爲陟州刺史守獲嘉縣武德初王世充攻獲嘉育德與戰兵敗不屈死之

曹懷節貞觀初任共城令辛怡諫撰百泉陂銘稱其爲愷悌君子民之父母趙澄又謂其爲共城第一令

衛輝府志

卷八

七

三見

崔珏字子玉祁州人貞觀十二年舉孝廉爲衛縣令甚有惠政嘗值河水暴泛浸沒民田公設祭河上爲文祝之頃見巨蛇浮水面而死水遂漸息民感其惠作歌頌之立廟以祀

畢構字隆擇偃師人中宗時爲衛州刺史愛民有惠政

徐彥伯名洪以字行交州瓊丘人七歲能文中宗時爲衛州刺史有善政狀聞賜璽書嘉勞後上南郊賦擢修文館學士歷官工部侍郎太子賓客

孔若思越州山陰人舉明經中宗朝以禮部侍郎出
爲衛州刺史故事以宗室爲州別駕見刺史驚放不
肯致恭若思劾奏之有詔別駕見刺史致恭自若思
始以清白擢銀青光祿大夫

敬暉字仲暉絳州平陽人聖曆初爲衛州刺史時河
北經突厥所騷方秋諸州爭發民繕城暉曰金湯非
粟不守柰何捨收穫而事城湟哉縱民歸歛闔部利
安遷夏官侍郎

劉子玄初名知幾字子元彭城人武后時爲獲嘉王
衛輝府志

卷八

八

三百二十八

簿上言時政四事詞甚切直后嘉之嘗著思慎以刺
時見志蘇味道李嶠見而嘆曰陸機豪士之流乎周
身之道盡矣累遷鳳閣舍人兼修國史號居巢子所
著有史通四十九篇行於世

李頎東川人開元中爲新鄉尉文章政事見稱於時
陸瓌字仲采吳人開元初爲新鄉令有惠政百姓立
祠祀之用按察使宇文融薦遷沔池令

裴子雲爲新鄉令邑人王恭戍邊留牓牛六頭於舅
李璉家五年產犢三十頭恭還索牛璉曰爾牛已死

二止還其四恭訴之于雲收入獄捉璉至叱之曰賊盜牛三十頭藏汝莊內引賊共對璉急曰吾牛皆外甥犉牛所生實非盜者子雲遂令以五頭酬璉餘盡還恭

杜閑襄陽人學士審言子工部甫之父也開元中爲獲嘉尉有善政後遷奉天令

李憲衛州刺史甚有治行爲世所稱

崔弘禮字從周博陵人憲宗元和中爲衛州刺史以才名著稱於時累遷河陽節度使東都留守

衛輝府志

卷八

九

三百三十一

五代郭進博野人後周顯德初爲衛州刺史時魏趙邢洛間多亡命以汲郡依山帶河易爲出沒伺間剽掠吏捕之輒遁去累歲不能絕其黨類進備知其狀因設計發摘之數月間剪滅無餘盜遂屏息民得安居事聞世宗特加旌賞勅杜韡序其事勒碑郡治宋陳貫字仲通相州安陽人舉進士真宗識貫擢寘高第知衛州督察盜賊禁戢不肖子弟簿書筦庫賦租出入皆自檢覈嘗謂察屬曰視縣官物如已物客有奸乎州人憚其嚴擢利州路轉運使

李之才字挺之青州人天聖八年進士爲獲嘉主簿
有治行器大難乎識者棲遲久不調或惜之則曰宜
少貶以圖榮進石延年獨曰時不足以容君曷不去
之隱再調孟州司法叅軍友人尹洙以書薦於中書
舍人葉道卿因石延年致之曰孟州司法叅軍李之
才年二十九能爲古文章語直意邃不肆不窘固足
以蹈及前輩非洙所敢品目而安於卑位無仕進意
人罕知其才又達世務使少用於世必過人遠甚道
卿薦之得改大理寺丞爲緱氏令未行會延年與龍
圖閣直學士吳遵路調兵河東辟之才澤州僉署判
官澤人劉義叟從受曆法在澤轉殿中丞後實曆五
年卒先是以獲嘉主簿權共城令有善政時邵子雍
隱居苦學於蘇門山布裘蔬食躬爨以養父之才叩
門往謁勞之曰好學篤志果何似雍曰簡策之外未
有適也之才曰君非迹簡策者其如物理之學何冠
日則又曰物理之學學矣不有性命之學乎雍再拜
願受業於是先示以陸淳春秋意欲以春秋表儀五
經旣可語五經大旨則授易而終焉其後雍卒以易

名世蓋本之才所授云

魯有開亳州譙人熙寧中知衛州時水災人乏食擅貸常平錢粟與之且奏乞蠲其息

石公弼字國佐越州新昌人舉進士徽宗時爲衛州司法叅軍淇水監牧馬逸食人稻爲田主所傷時法令至密郡守韓宗哲欲坐以重辟公弼言但當懲圍者民不可罪卒如其議

邵博陽羨人大觀中爲新鄉令常巡行郊野見民病涉規置石橋旣去民思其惠因名其橋曰邵公橋有衛輝府志

卷八

十一

二百九十二

碑刻存

許逖歙州人以獻策召試汲尉二年汲人詣京師請逖爲令遷秘書省校書郎知縣事數上書論事皆切時政後徙江平令被薦拜太僕寺丞歷官員外郎陳瓘字瑩中南劍沙縣人知衛州專以仁慈及民庭無滯訟兩被內除皆辭不就

鄭驤簽書衛州判官有善狀轉運使劉從德表薦之進一官

金孟奎字元秀遼陽人
大定間進士爲汲令有廉名

時平章政事完顏守貞禮接士大夫在其門者號冷巖十俊奎其一也

王維翰字之翰利州龍山人章宗時爲獲嘉令初維翰令永霸縣豪欲嘗試設事陳訴維翰窮竟之遂伏其詐健訟衰息及令獲嘉佐胥持國治河決有勞遷一階改北京轉運戶籍判官累官叅知政事定海軍節度使貞祐兵亂與妻姚氏俱死於難

元陳祐趙州寧晉人世祖時爲衛輝路總管衛當四方之衝號稱難治祐申明法令廉介公正創立孔子廟修比干墓且請於朝著爲祀典尤有惠政及民旣去民思之如父母爲立碑頌德

衛輝府志

卷八

十一

三

董文用字彥材真定藁城人世祖時爲衛輝路總管佩金虎符郡當衝要民爲兵者什九餘皆單弱貧病會初得江南圖籍金帛之運不絕於道衛翰輓日役夫數千人文用憂曰吾民敝矣而重妨耕作殆不可言於運主州縣吏卒是以備用不必重煩吾民主者曰汝言誠然萬一有不虞則罪將誰歸文用即手書具官姓名自任之民得以時耕而運事亦不廢時又議

通沁水東北合衛河以便漕運文用曰衛地最下每
大雨沁輒溢出今若通之則與大名俱沒矣會遣使
相地形上言衛城浮圖最高纔與沁水平勢不可開
也事遂寢在郡多善政民爲立去思碑

王昌齡字顯之滄州人世祖時守衛輝路政務平恕
才行相輔人以中行稱之甫下車百姓流移者旋復
本業初衛自兵燹以來民之耕植者多居郡東而泉
水自鄆城而下東流匯於淇水每歲值秋潦輒溢至
金堤田廬爲之一空昌齡乃築堤黑蕩陂以禦之其

衛輝府志

卷八

十三

三百四十五

患遂息又清水出輝縣山陽鎮以入衛河昌齡因度
原隰創濬溝澮溉田數百餘頃在任八年惠化大行
衛人德之如戴父母仕至御史中丞及卒葬汲縣親
仁里王暉作墓銘百姓爲立祠肖像以祀之子復克
同知衛郡亦多惠政云

塔必迷失系出瀚海大族至元三年爲衛州路都監
以衛壤褊狹路當衝要使輶營帳騷屑無時乃詳陳
撫養保障之方上於朝分辨主宰用濟民勞七年河
朔大蝗衛獨不災人以爲德政所致云

韓澍衛人至元間爲汲縣尹敷教課農勞心民事
姓非農隙不許入城市躬閱勤惰以爲賞罰遇旱
決淹獄以消沴氣及虔禱蒼山神靈雨屢應隣邑被
蝗獨不入汲境民歌頌之

黑么字仲謙蒙古人官於淇廉平仁恕政多惠愛既
去民爲立碑以頌德焉

劉理南宮人至元間爲新鄉尹嘗出貲修學均平賦
役杜絕私謁獄訟無留百姓蒙惠秩滿民爲刻石紀
之

衛輝府志

卷八

十四

百零八

李璋襄陵人至元間爲新鄉尹素以廉明稱蒞政勤
敏案牘鱗集剖決如流監司嘗付以疑獄悉辯明之
境內大治旣去民爲立德政碑

王珍衛輝路總管以廉自持一毫不苟取及卒臺無
遺貲人甚稱之

楊禮字和卿滄州人延祐至治年間知輝州事賦性
果達敏於從政公勤廉恪濟已腴民豪宕不羈有燕
趙義士風而能循守禮法政有成效以外艱去民思
慕之

李守禮至治間爲胙城主簿政事勤慎吏民服上官聞而避之旣以縣及隣邑僅留五十餘事委之守禮皆研究精審情理得當而決遣之三載職滿民不忍別

石仲傑泰定間爲胙城尹時方徙縣於華里店營建墾闢條畫悉當隣邑延津蝗蝻遍野將入境仲傑虔誠祈省蝗不爲害明年又旱復禱於神雷雨大作歲以豐熟

李思敬齊東人泰定間爲新鄉主簿時值歲饑上遣衛輝府志 卷八 十五 三百 使檄其縣帑賑濟他邑思敬請曰吾邑亦饑使憫其誠悉留帑賑濟民賴全活具言於朝獲蠲秋租至順初又歉且蝗思敬設法捕之遂獲有秋

鄆棟字士隆泰定下以爲胙城尹教民區種栽植桑棗延師立庠教子弟在任數年政平訟簡盜息民安有去思碑

李稷字孟齋滕州人泰定中授淇州判官淇當衝要稷至能理其劇歲大饑告於朝堂以賑之民獲以濟游民尚安兒飲博亡賴稷疑其爲非督弓兵擒之果

盜鄰村王甲家財與其黨五人俱伏辜調海陵縣丞
枉良字仲賢濮陽人天曆初知輝州事適寇侵鄰郡
輝民驚擾良曰勿自亂我能庇爾衆俄聞寇潰闔境
帖然又能嚴察吏弊使不得逞政教大行因歲歉走
泣中書省請粟以賑民甚懷之

尚文字質夫任輝州守時河朔大旱輝獨以禱得雨
境內大稔懷孟民馬氏宋氏誣伏殺人積歲獄不能
決提刑使者命文徃讞推迹究情得獄吏羅織狀兩
獄皆得釋

衛輝府志

卷八

十六

三百二十一

陶師淵嘉平人至元間爲衛輝路教授學博行飭敦
教有方諸生感服

王英弘州人至元間爲胙城尹剛明正直訟理政平
疾惡詰奸不通請謁秩滿民爲立去思碑

夏文仲字彥明金鄉人至元間判輝州廉介有守門
無私謁雞鳴視事日晡始退察弊政悉更張之約束
吏胥訪求民隱修傳令禁游惰謹巡防盡心民事故
雖元季搶攘而民賴稍安時稱賢有司焉

蕭達遼人初從元征西夏餽餉有功至元間授輝州

達魯花赤察民隱賑貧之抑豪強刊吏蠹政平訟理
民賴以安卒於官葬北王社

司仁字毅夫東原人至元間知輝州增飾學舍敦禮
師儒選秀民充弟子員後設鄉學以教之暇則督勸
耕桑民獲富庶時稱賢守云

阿昔脫憐朔方畏兀部人至元中爲獲嘉縣達魯花
赤值歲旱脫憐齋禱於神乃大雨秋復蝗又虔祝於
天蝗皆南飛境遂大稔至元二十年夏六月霖潦水
溢率民築堤障之獲免墊溺後遷河南僉事有去思
衛輝府志

卷八

十七

碑尚存

劉秉直字清臣大都武清人至正間爲衛輝路總管
以經術治民更新庶務咨詢民隱一郡大治汲人劉
聚死於盜爲禱於城隍盜果獲民稱頌之

姜師望成安人至正間爲胙城尹有能聲勸農興學
均賦平訟庶政畢舉百廢俱興積年之獄立爲剖斷
人服其明

明朝安祥華州人洪武中任通判介潔有守政多平
恕以公奉法人不敢千百姓誦之陞戶部員外郎

熊邦基洪武初任獲嘉知縣值兵燹之餘築城堞堞
解宇修廟學規制詳密民不知擾吏民至今誦之
馬守中陽武人洪武初以秀才釋褐爲獲嘉縣丞有
治績歷遷知縣同知所至政聲著聞入爲監察御史
未幾進都察院右僉都御史

王讓江陵人洪武初爲新鄉縣主簿撫流移課農桑
修廢墜政行化洽民感其惠

張俊山東益都人洪武末任汲縣知縣爲政精敏能
祛吏胥奸弊民有怠於農事者躬督課之賦役親驗
衛輝府志 卷八 十八 三十一
版籍務得均平暇則綜理學校以勵生徒旣去士民
追慕之

牛衡直隸海州人永樂中任胙城知縣清慎有爲勤
於撫字案牘詳明期年之間民無游惰盜賊屏息旣
去民心不忘

董愷直隸內丘人永樂中任淇縣知縣宅心仁厚不
事刑威蒞事公正不徇請託興學勸農均役平賦以
憂去民多思之

李麟字天瑞山西長子人永樂中任輝縣知縣勤政

愛人知民疾苦雙溪橋久圯往來病涉乃以石爲之不日而成復建鍾樓興廢舉墜嚴飭條約革吏胥侵漁之弊民得其安

陳傑字彥英蘇州吳縣人宣德中任獲嘉知縣清慎自持專務德化正統初陞平涼知府

葉宣字守義福建南平人宣德中任知府政術精敏振勵有爲作新學宮及郵驛譙樓煥然修舉德勝橋初構木爲之創易以石行者稱便其諸興廢舉墜聲績甚著陞浙江參政

衛輝府志

卷八

十九

三百五

董英齊東人正統中任淇縣知縣處斷明直賦役公平後秩滿陞戶部主事

羅經福建上杭人正統初任淇縣知縣行已恭慎臨政勤敏作新學校撫字百姓九載如一擢監察御史薛良字宗善和州人景泰中任獲嘉知縣律身清謹御下嚴明歷四載以內艱去百姓思之建祠祀焉

邢表字居正順天文安人天順中任獲嘉知縣居官清慎蒞事公勤陞戶部主事尋擢知彰德府調衛輝明敏廉慎興學勸農謹河防新傳舍救荒緝盜百廢

具舉以憂去民懷其德立祠祀之歷山東叅政布政
四川巡撫都御史

鄭福字伯祥直隸深州人成化中任獲嘉知縣才識
明敏勤於撫字治官如家在任八年陞金州知州百
姓思之建祠刻石以表遺德

張咨山東商河人成化中任知府平易近民政務寬
厚先是郡庠乏科首敦教化督勵生徒日稽月試甄
別勸懲自是人才輩出科第稱盛後遷運使

王儼字民望湖廣華容人成化中任知府行政寬簡
衛輝府志

卷八

二十

三百十五

不事煩苛興學勸士教化大行一時人才多所造就
清稽田土侵匿悉釐事有利害切於民者汲汲然日
興除之循良之政遠邇稱焉陞河南叅政去民爲立
石歷官總督宣大都御史戶部左侍郎

吳裕字天宏浙江餘姚人成化中任獲嘉知縣值歲
饑設法賑拯全活甚衆興學勸農節用平賦百廢俱
舉擢監察御史至今父老誦之不衰

王素洪雅人成化間任新鄉知縣政教兼舉得士民
心陞階州知州

徐昌嘉祥人成化中任府學教授施教有法集羣士之彥者加意訓迪士類翕然科目彬彬視昔爲盛
顏頤壽字天和湖廣巴陵人弘治中任淇縣知縣蒞官勤慎誠心愛民甚有惠政擢監察御史歷官尚書
劉玉字咸粟江西萬安人弘治中任輝縣知縣公廉仁恕力拯凋敝歲歉民饑亟爲賑濟立條教以善民俗禁喪葬無作佛事增新學校誨誘諸生歷任六年擢監察御史陞河南提學僉事歷官刑部左侍郎卒贈刑部尚書謚端毅所著有執齋文集二十卷

衛輝府志

卷八

二十一

高友璣字肅政浙江樂清人弘治庚戌進士以直道忤時由廣西叅政改任知府立身端介政尚寬和輿譽廢墜時稱五教修三事舉復陞江西叅政累官右都御史總督宣大兵部尚書謚襄簡

范鏞陝西人任新鄉學教諭學行俱優士類稱仰後登進士累官都御史

葉松商州人正德中任汲縣知縣平恕不刻剛果有爲在任九年不携妻子冰蘖之操始終如一尤有善得士民心至今頌之

孔鳳寧海人正德中任胙城知縣政體寬平治才通敏吏民愛之陞工部主事歷官臨洮知府劉繹山西代州人正德年任知府時薊寇倡亂乃身親戎務編行伍率民守城晝夜嚴備賊畏其威遠遜民賴以安後遷長蘆運使

呂顥字幼通陝西寧州人嘉靖中任知府嚴毅不阿修舉廢墜尤加意學校作新士類一時科目盛稱得人斥毀淫祠崇祀八蜡善政爲多歷陞順天府尹

孫繼魯字道甫雲南衛人嘉靖中任知府廉約自飭

衛輝府志

卷八

二十一

三十一

勤恤民隱誠意懇至思政在民甚多尋調淮安去之日士民號泣遮留立石頌德清介之操人所難及時世廟聞之嘗稱其爲天下清官孫繼魯曾任淮安與中貴相抗中貴且泣訴巧詆肅宗之前僅調以他府而已歷官都御史巡撫山西生平以氣節自勵爲分宜所排陷卒於獄贈兵部侍郎謚清愍

王聘字念覺山東利澤人嘉靖中任知府清白律已豈第宜民釐奸剔蠹政無偏枉事有益於地方者慨然以身任之毀譽利害弗計也嘗舉隸南狩行在大

解任去其姓思之為立祠焉

侯邵字孟澤陝西鳳翔人嘉靖中任輝縣知縣字
清和德性恬雅志堅而即苦當歲歉極力賑恤罷徵
省役一以教養為務抑強扶弱訓士迪材境內安之
世廟南狩郡守令其署汲縣事以行在火被逮空於
官士庶至今哀慕之太史何塘志其事

郭乾字孟復直隸任丘人嘉靖中任知府端重老成
政敦大體節用平賦在任多所興葺而秉法明禁剛
正果決雖寵執干請終無撓屈百姓賴之秩滿以遷

衛輝府志

卷八

十三

擢行為立遺愛祠肖像祀焉歷官兵部尚書

陳慶字履旋江西永豐人嘉靖中任知府博雅好文
宗陽明之學處事以靜歲饑捐俸以倡義賑士夫感
而輸助立義賑亭又構文會館於亭之傍與諸生講
學寒暑不倦民思之立祠以祀歷陞太常寺卿

張昇字伯東山西陽城人嘉靖中任知府性朴直守
廉介處事敏練尤尚儉約教民植桑多惠政為立遺
愛祠肖像祀焉

孫一正字格卿陝西渭南人嘉靖年任知府時三年

清勤不懈士民懷思歷陞左右布政府尹

周思宸字

浙江人進士萬曆十二年任知府

躬耿介任事擔當時值潞藩建封不辭勞怨極力調停民賴以安加意學校考課精嚴文風大振科第蟬聯皆其鼓舞之力也後陞陝西按察使調廣西提學郡立祠祀之

何廷魁字觀欽大同人進士萬曆四十三年任知府政尚嚴明令行禁止不畏強禦作興學校脩飭廢墜士民德之調河南府陞山海兵備死節

衛輝府志

卷八

五

魯廷彥字

山西人舉人萬曆四十二年任同知

清和平易歷任九年徧攝六邑久著政聲陞登州知府

國朝梁仰字

山西人貢士順治三年任知府清

介自持恤民愛士調德安府

李櫛生字參玄山東人貢士順治九年任知府清正不阿約已愛民官吏畏服引疾歸衛人至今思之

張弘猷字調鼎遼東人貢士順治二年任同知精敏有吏才佐郡多善政如審編軍戶清核公平士民勸

石感恩陞長沙知府轉桂林兵備

張邦佐字

旗下人順治八年任汲縣知縣少年

簡朴加意民瘼罹疾沒於官郡邑無少長咸為悲嘆
陳宸銘字我愚山東人進士以給事中謫布政司都
事順治十二年奉文署汲篆極力整綏疲色色起去
之日民空城送之不忍舍

崔康容城人舉人明崇禎間任淇縣知縣為政公明
居官清慎新學校撫黎元歷六載陞兵馬民泣送之
徐可大密雲人貢士明萬曆四十二年任新鄉知縣

衛輝府志

卷八

三五

以福王經行調繁此地大有能聲

董用威河間人貢士明萬曆四十五年任新鄉知縣
居官六載以治行歷為戶部主事

米壽圖安化人貢士以胙城令調新創建磚城并引
衛河環繞其才有大過人者行取擢御史

陳必謙常熟人進士明萬曆四十五年任輝縣知縣
興利除害政簡刑清吏畏民懷去後人追思之歷陞
河南巡撫綏惠倍常甘棠俊誦

商賚陽信人舉人明萬曆壬辰任獲嘉知縣下車詢

民疾苦請改漕糧捐寬布折俵馬民甚便之獲地多
荒公為具牛種農器募民開墾聽訟務在得情不事
武徼刑至彌月不用盡除諸生繇役士民感德不忘